BERUNIY TUMANLARARO IQTISODIY SUDI



BERUNIY INTER-DISTRICT ECONOMIC COURT

230200, Beruniy tumani, Beruniy kuchasi, r/u

230200, Beruniy, Beruniy street, wn/h

Tel: 55-102-40-63

e-mail: i.beruniy@sud.uz

АЖРИМ

(даъво аризасини кўрмасдан қолдириш ҳақида)

Беруний тумани

2024 йил 04 апрель

4-2302-2403/888-сонли иш

Беруний туманлараро иқтисодий судининг судьяси Ж.Ж.Аманиязов раислигида, судья ёрдамчиси Д.Мамбетсалиевнинг котиблигида, жавобгар вакили И.Матякубов (2024 йил 12 март кунги 78-сонли ишончнома) нинг иштирокида, Қорақалпоғистон фермер, деҳқон ҳўжаликлари ва томорқа ер эгалари кенгашининг "AFROSIYOB TURTKUL" фермер ҳўжалигининг манфаатини кўзлаб, унинг фойдасига жавобгар "AGRO TOʻRTKOʻL TEKSTIL CLUSTER" масъулияти чекланган жамиятидан 505 838 000 сўм асосий қарз ва 101 167 600 сўм пеня ундириш ҳақидаги даъво аризасига асосан қўзғатилган иқтисодий ишни суд биносида очиқ суд мажлисида кўриб чиқиб, қуйидагиларни

АНИКЛАДИ:

Қорақалпоғистон фермер, деҳқон ҳўжаликлари ва томорқа ер эгалари кенгаши (бундан буён матнда — Кенгаш) "AFROSIYOB TURTKUL" фермер ҳўжалиги (бундан буён матнда — даъвогар) нинг манфаатини кўзлаб, унинг фойдасига жавобгар "AGRO TO`RTKO`L TEKSTIL CLUSTER" масъулияти чекланган жамияти (бундан буён матнда — жавобгар) дан 505 838 000 сўм асосий қарз ва 101 167 600 сўм пеня ундиришни сўраган.

Суд мажлисида иштирок этган жавобгар вакили даъвогар даъво талабларидан воз кечганлигини ва даъвони кўрмасдан қолдиришни сўраганлигини билдириб, бу ҳақида даъвогар фермер хўжалигининг аризасини тақдим қилиб, даъво аризани кўрмасдан қолдиришни сўради.

Кенгаш ва даъвогар суд мажлиси вақти ва жойи тўғрисида тегишли тартибда хабардор қилинганлигига қарамасдан суд мажлисига келмади, иш бўйича ўз ёзма фикрини судга тақдим қилмади, уларнинг суд мажлиси вақти ва жойи тўғрисида хабардор қилинганлиги тўғрисида маълумотлар мавжуд.

Суд ишдаги хужжатларда Кенгаш ва даъвогарнинг суд мажлиси тўғрисида тегишли тартибда хабардор қилинганлигини тасдикловчи хужжатлар борлигини инобатга олиб, ишни Ўзбекистон Республикаси Иктисодий процессуал кодекси (бундан буён матнда — ИПК)нинг 128-моддаси ҳамда 170-моддасининг иккинчи ва учинчи қисмларига мувофик жавобгар вакилининг иштирокисиз кўриб чикишни лозим топди.

Суд жавобгар вакилининг тушунтиришларини тинглаб, ишдаги хужжатларга хукукий бахо бериб, куйидагиларга асосан даъво аризасини курмасдан колдиришни лозим топди.

Ишдаги хужжатлардан аникланишича, даъвогар "AFROSIYOB TURTKUL" фермер хужалиги даъво талабларидан воз кечган ва даъвони курмасдан колдиришни сураган.

ИПК 107-моддасининг 8-бандига асосан даъвогарнинг манфаатларини кўзлаб прокурор, давлат органи ва бошқа шахс томонидан тақдим этилган даъводан даъвогар воз кечган бўлса, суд даъво аризасини кўрмасдан қолдириши лозим.

Шу боис, суд даъво аризасини кўрмасдан қолдиришни лозим топди.

Шунингдек, ИПК 118-моддасининг биринчи қисмига мувофиқ суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилади.

Ўзбекистон Республикаси Президентининг 10 октябрь 2017 йилдаги "Фермер, деҳқон ҳўжаликлари ва томорқа ер эгалари фаолиятини янада ривожлантириш бўйича ташкилий чора-тадбирлар тўғрисида"ги ПҚ-3318-сон Қарори 3-бандининг олтинчи хатбошисига асосан, фермер, деҳқон ҳўжаликлари ва томорқа ер эгалари манфаатларини кўзлаб судга давлат божи тўламасдан даъво аризалари, давлат ва ҳўжалик бошқаруви органлари, маҳаллий давлат ҳокимияти органларининг қарорлари, уларнинг мансабдор шаҳслари ҳатти-ҳаракатлари (ҳаракатсизлиги) устидан шикоятлар тақдим этиш. Бунда даъво аризасини ҳаноатлантириш рад этилганда манфаати кўзлаб даъво аризаси киритилган фермер, деҳқон ҳўжаликлари ва томорқа ер эгаларидан давлат божи ундирилмаслиги белгиланган.

Шу боис, иш учун тўланган почта харажатини даъвогар зиммасида қолдиришни лозим топди.

Юқорида баён этилганлардан келиб чиқиб, Ўзбекистон Республикаси Иқтисодий процессуал кодексининг 107-моддаси 8-банди ва 195-моддасини қўллаб, суд

АЖРИМ КИЛДИ:

Даъво аризаси кўрмасдан қолдирилсин.

Иш учун тўланган 34 000 сўм почта харажати даъвогарнинг зиммасида қолдирилсин.

Ажримдан норози тараф бир ойлик муддатда шу суд орқали Қорақалпоғистон Республикаси судига апелляция тартибида ёки апелляция тартибида кўриб чиқилмаган биринчи инстанция судининг ажрими устидан ажрим қонуний кучга кирган кундан эътиборан олти ой ичида кассация тартибида шикоят берилиши ва прокурор протест келтириши мумкин.

Судья

Ж.Ж.Аманиязов

